



**ZAVOD ZA JAVNO ZDRAVSTVO
TUZLANSKOG KANTONA**

**KONKURENTSKI ZAHTJEV
ZA DOSTAVU PONUDA U POSTUPKU JAVNE NABAVKE
USLUGA OBAVEZNOG OSIGURANJA OD AUTOODGOVORNOSTI I
POTPUNOG KASKO OSIGURANJA VOZILA
BROJ 07-172-3/18**

Tuzla, novembar 2018.

A. OPŠTI PODACI

1. Podaci o ugovornom organu

Ugovorni organ: Zavod za javno zdravstvo Tuzlanskog kantona
Adresa: Tuzlanskog odreda br. 6, Tuzla
IDB/JIB: 4209080250003
Telefon: 035/307-700
Faks: 035/257-467
Web adresa: www.zjztk.ba

2. Podaci o osobi zaduženoj za kontakt

Kontakt osoba: Kadić Tanja
Telefon: 035/307-703
Faks: 035/257-467
e-mail: tanja.kadic@zjztk.ba

3. Popis privrednih subjekata sa kojim je ugovorni organ u sukobu interesa

Ne postoje privredni subjekti sa kojima ugovorni organ ne može zaključivati ugovore na osnovu člana 52. stav (4) Zakona o javnim nabavkama.

4. Redni broj nabavke

Broj nabavke: 07-172-3/18

5. Podaci o postupku javne nabavke

- 5.1. Vrsta postupka javne nabavke: Konkurentski zahtjev za dostavu ponuda
- 5.2. Procijenjena vrijednost javne nabavke: **2.000,00 KM**
- 5.3. Vrsta ugovora o javnoj nabavci: Nabavka usluga
- 5.4. Period na koji se zaključuje ugovor:
Ugovor se zaključuje na period od godinu dana (12 mjeseci).
- 5.5. Za nabavku nije predviđeno zaključivanje okvirnog sporazuma.
- 5.6. Alternativne ponude nisu dozvoljene.

B. PODACI O PREDMETU NABAVKE

6. Opis predmeta nabavke

Predmet ovog postupka je nabavka usluga obaveznog osiguranja od autoodgovornosti i potpunog kasko osiguranja za jedno novonabavljeno putničko vozilo sljedećih tehničkih karakteristika:

Vozilo marke: OPEL
Model: INSIGNIA GRAND SPORT
Vrsta vozila: Putničko vozilo M1
Godina proizvodnje: novo, 2018
Broj sjedišta: 5
Broj vrata: 5

Boja: crveno smeđa metalik
Broj stepena prenosa: 6+R
Snaga motora (KW/KS): 125KW
Zapremina motora: 1956 ccm
Pogonsko gorivo: Dizel EN 590
Ukupna cijena vozila sa svim troškovima do registracije: 49.995,00 KM

NAPOMENA: Ugovorni organ posjeduje polisu obaveznog osiguranja od vozila koje je bilo u vlasništvu Ugovornog organa, a prodato je u septembru mjesecu 2018. godine, a koja važi do 30.12.2018. godine, te po istoj ima pravo na popuste u visini od 50%.

IZABRANI PONUDAČ JE DUŽAN IZVRŠITI SVE POSLOVE NA PRIPREMI DOKUMENTACIJE ZA REGISTRACIJU VOZILA, ŠTO UKLJUČUJE PRIPREMU OBRAZACA ZA MUP, PRIPREMU VIRMANA ZA PLAĆANJE PROPISANIH TAKSI I OSTALE POSLOVE VEZANE ZA REGISTRACIJU NOVONABAVLJENOG VOZILA ZA KOJE SE PROVODI POSTUPAK JAVNE NABAVKE USLUGA OBAVEZNOG OSIGURANJA OD AUTOODGOVORNOSTI I POTPUNOG KASKO OSIGURANJA ALI U OBRAZAC ZA CIJENU PONUDE NAVODI ISKLJUČIVO CIJENU USLUGA KOJE SU PREDMET JAVNE NABAVKE A TO SU:

A. OBAVEZNO OSIGURANJE OD AUTOODGOVORNOSTI

Ugovorni organ pod obaveznim osiguranjem od autoodgovornosti podrazumijeva osiguranje od odgovornosti definisano Zakonom o osiguranju od odgovornosti za motorna vozila i ostale odredbe o obaveznom osiguranju od odgovornosti (Službene novine FBiH², Broj: 24/05) odnosno obavezno osiguranje vozila (sa uključenim osiguranjem putnika od nezgode i zeleni karton).

B. POTPUNO KASKO OSIGURANJE

Ugovorni organ pod potpunim kasko osiguranjem sa uključenim svim rizicima podrazumijeva osiguranje vozila od svih nastalih šteta i krađe, bez učešća Ugovornog organa odnosno osiguranog lica, bez obzira na broj nastalih šteta u toku perioda osiguranja odnosno:

I. Potpuno kasko osiguranje vozila sa uključenim svim rizicima podrazumijeva da je osiguravač dužan da naknadi štetu prouzrokovanu uništenjem ili nestankom osiguranog vozila, usljed:

- 1) Saobraćajne nezgode, kao na primjer: prevrnuće, udar, iskliznuće, survavanje i sl. Osiguranjem su obuhvaćena i sva ostala uništenja, odnosno oštećenja prouzrokovana od iznenadnih događaja izvana pod djelovanjem mehaničke sile, a nezavisno od isključive volje ugovarača osiguranja, osiguranika ili vozača, kao i oštećenja prouzrokovana iznenadnim termičkim ili hemijskim djelovanjem izvana.
- 2) Pada ili udara nekog predmeta;
- 3) Požara;
Požarom se smatra vatra nastala iznenada ili neočekivano. Osiguravač nije u obavezi da naknadi štetu na električnoj instalaciji, koja je nastala pregorijevanjem električne instalacije na vozilu, osim ako se razvio požar.
- 4) Uudara groma;
Osiguranje od udara groma obuhvata štete koje prouzrokuje grom djelovanjem snage ili toplote.
- 5) Eksplozije, osim eksplozije od nuklearne energije;
Eksplozijom se smatra iznenadno ispoljavanje sile zasnovane na težnji pare ili plinova za proširenje.

- 6) Oluje;
Olujom se smatra vjetar brzine snage 8 stepeni po Beaufortovoj skali ili više.
- 7) Grada (tuče);
Osiguranjem su obuhvaćene štete nastale uslijed neposrednog udara grada (tuče).
- 8) Snježne lavine;
Snježnom lavinom se smatra snježna masa u pokretu, koja se otkida sa planinskih strana. Osiguranjem su obuhvaćene i štete prouzrokovane djelovanjem zračnog pritiska od snježne lavine.
- 9) Pada zračnih letjelica svih vrsta;
- 10) Manifestacija i demonstracija;
- 11) Krađe, provalne krađe i protivpravnog oduzimanja vozila;
U slučaju krađe i protivpravnog oduzimanja vozila smatra se da je vozilo nestalo ako se ne pronađe u roku od 30 dana, računajući od dana prijave nestanka vozila nadležnom organu policije.
Krađa podrazumijeva i krađu dijelova vozila koji su ugrađeni od strane proizvođača vozila (npr. radio aparat, PP aparat, parking senzori i sl.).
Provalna krađa podrazumijeva nasilno otvaranje, razbijanje, ili pristupanje unutrašnjosti vozila na nezakonit način uz činjenje štete na samom vozilu kao i otvaranje ključem stečenim na nezakonit način.
- 12) zlonamjernih postupaka ili obijesti trećih lica;
- 13) oštećenja tapaciranih dijelova u osiguranom vozilu, prouzrokovana prilikom pružanja pomoći licima koja su ozlijeđena u saobraćajnoj nezgodi ili na neki drugi način;
- 14) namjernog uzrokovanja štete na osiguranoj stvari u cilju sprečavanja veće štete na toj ili drugoj stvari ili licima;
- 15) Rizik poplave, bujice, visoke vode;
Poplavom se smatra stihijsko neočekivano plavljenje terena od stalnih voda (rijeka, jezera, mora i dr.) uslijed toga što se voda izlila iz korita i provalila odbrambeni nasip ili branu, izlivanje vode uslijed izvanredno visoke plime i talasanja mora i jezera neobične jačine i od nadolaženja vode iz umjetnih jezera. Poplavom se smatra i neočekivano plavljenje terena uslijed naglog obrazovanja velike količine vodene mase koja nastane kao posljedica provala oblaka i višednevnih padavina.
Bujicom se smatra stihijsko neočekivano plavljenje terena vodenom masom koja se obrazuje na nizbrdnim terenima uslijed jakih atmosferskih padavina i slijeva ulicama i putevima.
Visokom vodom se smatra:
a) izuzetna pojava neuobičajenog porasta vodostaja u neočekivano vrijeme;
b) podzemna voda kao posljedica visoke vode.
Obaveza osiguravača za štete od visoke vode i podzemne vode, kao njene posljedice, počinju sa porastom visoke vode iznad unaprijed utvrđenih mjesečnih kvota vodostaja ili protoka izmjerenih prema pokazivaču vodostaja najbližem mjestu štete.
Osiguranje obuhvata štete prouzrokovane na osiguranom vozilu za vrijeme dok traje poplava, bujica ili visoka voda i neposredno poslije povlačenja vode kao i štete od plavljenja vode izlivena iz kanalizacione mreže ako je do izlivanja došlo uslijed poplave ili bujice.

Oznaka i naziv iz JRJN: 66510000-8 – Usluge osiguranja.

7. Količina predmeta nabavke sa specifikacijom iste

Količina i specifikacija predmeta nabavke navedena je u Obrascu za cijenu ponude (Aneks II u prilogu).

8. Zaključenje ugovora i plaćanje premije

Ugovor o osiguranju se smatra zaključenim po obostranom potpisivanju istog.

Plaćanje po ugovoru o osiguranju (premija) će se izvršiti jednokratno po zaključenju ugovora u roku od pet dana od dana zaključenja ugovora.

Obaveza osiguravača je izdati ispravu o osiguranju (polisu) na dan prijema jednokratne uplate premije kada počinju da važe i obaveze osiguravača po ugovoru.

9. Teritorijalna valjanost osiguranja

Osiguranje vrijedi na području Bosne i Hercegovine i u ostalim zemljama članicama sistema zelene karte u trenutku nastanka osiguranog slučaja.

C. USLOVI ZA UČEŠĆE

10. Ugovorni organ zahtijeva od ponuđača dostavljanje sljedeće dokumentacije za učešće u proceduri javne nabavke

- a) Aktuelni Izvod iz sudskog registra/Rješenje o upisu u sudski registar/Rješenje nadležnog organa,
- b) Uvjerenje o poreznoj registraciji/ Uvjerenje o registraciji/upisu u Jedinstveni registar obveznika indirektnih poreza,
- c) Rješenje o odobrenju za rad izdato od Agencije za nadzor osiguranja Federacije Bosne i Hercegovine.

Dokumenti koji se dostavljaju trebaju biti original ili ovjerena kopija, ne starija od 3 mjeseca.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

D. PODACI O PONUDI

11. Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilicnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

Ponuda mora sadržavati najmanje:

- a) Obrazac za ponudu - Aneks I (u prilogu),
- b) Obrazac za cijenu ponude - Aneks II (u prilogu),
- c) Aktuelni Izvod iz sudskog registra/Rješenje o upisu u sudski registar/Rješenje nadležnog organa,

- d) Uvjerenje o poreznoj registraciji/Uvjerenje o registraciji/upisu u Jedinstveni registar obveznika indirektnih poreza,
- e) Rješenje o odobrenju za rad izdato od Agencije za nadzor osiguranja Federacije Bosne i Hercegovine,
- f) Izjava ponuđača o prihvatanju uslova iz tenderske dokumentacije.

Dokumenti koji se dostavljaju trebaju biti original ili ovjerena kopija, ne starija od 3 mjeseca.

12. Način dostavljanja ponuda

Ponuđači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužan snositi te troškove.

Ponuda, bez obzira na način dostavljanja, mora biti zaprimljena u ugovornom organu, na adresi navedenoj u tenderskoj dokumentaciji, do datuma i vremena navedenog u obavještenju o nabavci i tenderskoj dokumentaciji. Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču.

Ponuđač dostavlja ponudu u originalu, na kojoj će jasno pisati: "ORIGINAL PONUDA". Original ponude treba biti zapečaćena u neprovidnoj koverti, sa pečatom ili potpisom ponuđača, imenom i adresom ponuđača. Ponude se predaju na protokol ugovornog organa ili putem pošte, na adresu ugovornog organa, u zatvorenoj koverti na kojoj, na prednjoj strani koverta, mora biti navedeno:

**ZAVOD ZA JAVNO ZDRAVSTVO TUZLANSKOG KANTONA
TUZLANSKOG ODREDA BR. 6
75 000 TUZLA**

**PONUDA ZA NABAVKU USLUGA OBAVEZNOG OSIGURANJA OD
AUTOODGOVORNOSTI I POTPUNOG KASKO OSIGURANJA VOZILA
BROJ 07-172-3/18
„NE OTVARATI“**

Na zadnjoj strani koverta ponuđač je dužan da navede sljedeće:

Naziv i adresa ponuđača /grupe ponuđača

13. Način određivanja cijene ponude

Cijena ponude obuhvata sve stavke iz obrasca za cijenu ponude.

Cijena ponude se piše brojevima i slovima. Cijena ponude je nepromjenjiva.

Shodno članu 25. Zakona o porezu na dodatu vrijednost („Službeni glasnik BiH“ broj: 9/05, 35/05 i 100/08) usluge osiguranja su oslobođene od plaćanja PDV-a.

U cijeni ponude se obavezno navodi cijena ponude (bez PDV-a), ponudeni popust i na kraju cijena ponude sa uključenim popustom (bez PDV-a).

14. Valuta ponude

Cijena ponude se izražava u konvertibilnim markama (BAM).

15. Kriterij za dodjelu ugovora

Kriterij za dodjelu ugovora je najniža cijena.

Ponudena cijena usluge treba uključivati sve obaveze vezane za usluge koje su predmet nabavke.

Shodno članu 25. Zakona o porezu na dodatu vrijednost („Službeni glasnik BiH“ broj: 9/05, 35/05 i 100/08) usluge osiguranja su oslobođene od plaćanja PDV-a stoga je iznos PDV-a u Obrascu za ponudu iskazan u iznosu 0,00 KM.

16. Preferencijalni tretman domaćeg

Ugovorni organ obavezno primjenjuje preferencijalni tretman domaćeg iz člana 67. Zakona o javnim nabavkama („Službeni glasnik BiH“ broj 39/14) u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“ broj 83/16).

Preferencijalni tretman će se primjenjivati isključivo u svrhu poređenja ponuda. Prilikom obračuna cijena ponuda, u svrhu poređenja ponuda, umanjit će se cijene domaćih ponuda za preferencijalni faktor od 10%. U tom smislu domaće ponude su ponude koje podnose pravna ili fizička lica sa sjedištem u Bosni i Hercegovini i koja su registrirana u skladu sa zakonima u Bosni i Hercegovini i kod kojih je najmanje 50% radne snage za izvršenje ugovora rezidenti iz Bosne i Hercegovine.

17. Jezik i pismo ponude

Ponuda se dostavlja na jednom od službenih jezika u Bosni i Hercegovini, na latiničnom ili ćirilničnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini. Štampana literatura, brošure, katalogi ili slično mogu se priložiti bez prijevoda.

18. Rok važenja ponude

Ponude moraju važiti 60 dana računajući od isteka roka za podnošenje ponuda.

Ukoliko ponudač u ponudi ne navede rok važenja ponude, onda se smatra da je rok važenja ponude onaj koji je naveden u tenderskoj dokumentaciji.

U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. stav (1) Zakona.

U periodu važenja ponude, ugovorni organ zadržava pravo da pismenim putem traži saglasnost za produženje roka važenja ponude. Ukoliko ponudač ne dostavi pismenu saglasnost, smatra se da je odbio zahtjev ugovornog organa, te se njegova ponuda ne razmatra u daljem toku postupka javne nabavke.

19. Mjesto, datum i vrijeme za prijem ponuda

Ugovorni organ: Zavod za javno zdravstvo Tuzlanskog kantona

Ulica i broj: Tuzlanskog odreda br. 6, Tuzla

Soba broj: 32

Datum: 23.11.2018. godine

Vrijeme do kada se primaju ponude: 12:00 h.

Ponude zaprimljene nakon isteka roka za prijem ponuda se vraćaju neotvorene ponuđačima. Ponuđači koji ponude dostavljaju poštom preuzimaju rizik ukoliko ponude ne stignu do krajnjeg roka utvrđenog tenderskom dokumentacijom.

20. Mjesto, datum i vrijeme otvaranja ponuda

Ugovorni organ: Zavod za javno zdravstvo Tuzlanskog kantona

Ulica i broj: Tuzlanskog odreda br. 6, Tuzla

Soba broj: 33

Datum: 23.11.2018. godine

Vrijeme otvaranja ponuda pristiglih do krajnjeg roka za prijem ponuda: 12:30 h

E. OSTALI PODACI

21. Rok za donošenje odluke o izboru

Ugovorni organ je dužan donijeti odluku o izboru najpovoljnijeg ponuđača ili poništenju u postupku javne nabavke u roku važenja ponude, a najkasnije u roku od 7 dana od dana isteka važenja ponude.

Ugovorni organ je dužan da odluku o izboru najpovoljnijeg ponuđača dostavi svim ponuđačima u postupku nabavke u roku od 3 dana, a najkasnije u roku od 7 dana od dana donošenja odluke o izboru ili poništenju postupka nabavke elektronskim putem ili putem pošte, ili neposredno.

22. Preuzimanje tenderske dokumentacije

Tenderska dokumentacija je objavljena u sistemu „E-nabavke“ u skladu sa članom 55. Zakona o javnim nabavkama i Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj:90/14 i 53/15) i može se preuzeti u skladu sa navedenim Uputstvom.

Zahtjev za pojašnjenje tenderske dokumentacije i odgovor s pojašnjenjem iste će biti dostupan svim ponuđačima koji su preuzeli tendersku dokumentaciju u sistemu „E-nabavke“.

23. Ispravka i/ili izmjena tenderske dokumentacije

Izmjene i dopune tenderske dokumentacije će biti objavljene u sistemu „E-nabavke“.

24. Povjerljivost dokumentacije privrednih subjekata

Ponuđači koji dostavljaju ponude koje sadrže određene podatke koji su povjerljivi, dužni su uz navođenje povjerljivih podataka navesti i pravni osnov po kojem se ti podaci smatraju povjerljivim.

Podaci koji se ni u kojem slučaju ne mogu smatrati povjerljivim su:

- a) ukupne i pojedinačne cijene iskazane u ponudi;
- b) predmet nabavke, odnosno ponudena roba, usluga ili rad od koje zavisi poređenje sa tehničkom specifikacijom i ocjena da je ponuda u skladu sa zahtjevima iz tehničke specifikacije;
- c) dokazi o ličnoj situaciji ponuđača (u smislu odredbi čl. 45.-51. Zakona).

25. Izmjena, dopuna i povlačenje ponuda

Ponudači mogu izmijeniti, dopuniti ili povući svoje ponude pod uslovom da se izmjene, dopune ili povlačenje ponude dogodi prije isteka roka za dostavljanje ponuda. Ugovorni organ mora biti obaviješten u pisanoj formi o izmjenama, dopunama ili povlačenju ponude prije isteka roka za podnošenje ponuda. Osim toga, na koverti u kojoj se nalazi izjava ponuđača treba pisati sljedeće:

ZAVOD ZA JAVNO ZDRAVSTVO TUZLANSKOG KANTONA
TUZLANSKOG ODREDA BR. 6
75 000 TUZLA

PONUDA ZA NABAVKU USLUGA OBAVEZNOG OSIGURANJA OD
AUTOODGOVORNOSTI I POTPUNOG KASKO OSIGURANJA VOZILA
BROJ 07-172-3/18
IZMJENA/DOPUNA/POVLAČENJE PONUDE
„NE OTVARATI“

Na zadnjoj strani omotnice ponuđač je dužan da navede sljedeće:

Naziv i adresa ponuđača /grupe ponuđača

Ponuda se ne može mijenjati, dopunjavati, niti povući nakon isteka roka za prijem ponuda.

26. Pouka o pravnom lijeku

Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom u roku od pet (5) dana od dana prijema odluke o izboru najpovoljnijeg ponuđača.

PRILOZI:

1. Obrazac za ponudu – Aneks I
2. Obrazac za cijenu ponude – Aneks II

Broj: 07-172-3/18
Datum: 13.11.2018. godine

ZA UGOVORNI ORGAN
DIREKTORICA
Doc. dr. med. sc. Malić Maida

